


Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
Pfl: 953a







Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
Pflit 953a





Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
Pfl 953a



Early European Books, Copyright © 2011 ProQuest LLC.  
Images reproduced by courtesy of Koninklijke Bibliotheek, Den Haag.  
Pflr 953a









niet by Muller  
niet by Meulman

1093/6  
a/1235

CORT

# Michael vande groote

en heerlicke Victorie / soo den Heere almachtich genadichlick beliest heeft te verleenen die Armada van Enghelant / met het ghelucklick overwinnen: Eerst vanden Spaenschen Galeien / Galionen / Pinassen ende anderen gheweldighe oorloch Schepen in die Baye van Calis-Malis / daer nae met het innemen ende veroueren vander Stadt selve / ende der Brugghe aldaer / Mitsgaders van anderen Steden ende plaetsen daer omtrent.



GHEDRVCKT,  
By Aelbrecht Heyndricksz.  
M. D. XCVL



1510  
1511  
1512

1513  
1514  
1515  
1516  
1517  
1518  
1519  
1520  
1521  
1522  
1523  
1524  
1525  
1526  
1527  
1528  
1529  
1530  
1531  
1532  
1533  
1534  
1535  
1536  
1537  
1538  
1539  
1540  
1541  
1542  
1543  
1544  
1545  
1546  
1547  
1548  
1549  
1550  
1551  
1552  
1553  
1554  
1555  
1556  
1557  
1558  
1559  
1560  
1561  
1562  
1563  
1564  
1565  
1566  
1567  
1568  
1569  
1570  
1571  
1572  
1573  
1574  
1575  
1576  
1577  
1578  
1579  
1580  
1581  
1582  
1583  
1584  
1585  
1586  
1587  
1588  
1589  
1590  
1591  
1592  
1593  
1594  
1595  
1596  
1597  
1598  
1599  
1600

1601  
1602  
1603  
1604  
1605  
1606  
1607  
1608  
1609  
1610  
1611  
1612  
1613  
1614  
1615  
1616  
1617  
1618  
1619  
1620  
1621  
1622  
1623  
1624  
1625  
1626  
1627  
1628  
1629  
1630  
1631  
1632  
1633  
1634  
1635  
1636  
1637  
1638  
1639  
1640  
1641  
1642  
1643  
1644  
1645  
1646  
1647  
1648  
1649  
1650  
1651  
1652  
1653  
1654  
1655  
1656  
1657  
1658  
1659  
1660  
1661  
1662  
1663  
1664  
1665  
1666  
1667  
1668  
1669  
1670  
1671  
1672  
1673  
1674  
1675  
1676  
1677  
1678  
1679  
1680  
1681  
1682  
1683  
1684  
1685  
1686  
1687  
1688  
1689  
1690  
1691  
1692  
1693  
1694  
1695  
1696  
1697  
1698  
1699  
1700

1701  
1702  
1703  
1704  
1705  
1706  
1707  
1708  
1709  
1710  
1711  
1712  
1713  
1714  
1715  
1716  
1717  
1718  
1719  
1720  
1721  
1722  
1723  
1724  
1725  
1726  
1727  
1728  
1729  
1730  
1731  
1732  
1733  
1734  
1735  
1736  
1737  
1738  
1739  
1740  
1741  
1742  
1743  
1744  
1745  
1746  
1747  
1748  
1749  
1750  
1751  
1752  
1753  
1754  
1755  
1756  
1757  
1758  
1759  
1760  
1761  
1762  
1763  
1764  
1765  
1766  
1767  
1768  
1769  
1770  
1771  
1772  
1773  
1774  
1775  
1776  
1777  
1778  
1779  
1780  
1781  
1782  
1783  
1784  
1785  
1786  
1787  
1788  
1789  
1790  
1791  
1792  
1793  
1794  
1795  
1796  
1797  
1798  
1799  
1800



# **Dit verhael vande**

groote en heerlicke victorie / so den Heere  
almachtich ghenadichlick beliest heeft te verleen  
die Armada van Enghelandt / met het gheluckich  
overwinnen: Eerst vanden Spaenschen Galley-  
en/ Galionen/ Pinassen / ende anderen geweldigen  
oorloch schepen in die Baye vā Calis-Malis/ daer  
nae met het innemen ende veroueren van der Stadt  
selue ende der Brugghe aldaer/ mitsgaders van an-  
deren Steden en plaetsen daer omtrent/ alwaer een  
seer treffelike beute en grooten rijkdom becomen  
is/ als hier naer volcht/ daer van die tijdingen ghe-  
bracht sijn/ deur eenighe geloofweerdighe Hollant-  
sche en Zeelandtsche Schippers/ die tot S. Lucar/  
en anderen Havenen in Spanien gearresteert we-  
sende/ upton arreste ontlopen / en tot Middelburgh  
ghearriveert sijn.

**D**en xxvij. der Maent Junij 1596. Is  
de voorsz. Enghelsche Armada gheluckich  
ghearriveert voor Calis-Malis/ dan so die  
Spangiaerts te vooren daer van geadv-  
teert ende ghewaerschout waren/ hebben sy  
sich starck daer teghens gheruffet ghehad/ sulcx dat die  
onse aldaer halve Maensche wijze in slachordre bonden  
ligghen/ om onse Armade te verwachten/ Vierenwin-  
tich Galleyen/ daer den Admirael vande Galepen / met  
sijn Schip van achthondert laste/ genaemt S. Philippo/  
ende gemonteert met tweeentachtich Metalen stucken.

Al ij

Item



Item vier Galionen / ende noch vier Pinassen / op heb-  
bende elck sesthiën metalen stucken / int midden lach / en-  
de dat onder t'ghewelt vant geschut vander Stadt / des  
nochtans niet teghenstaende ende ongheachtet / sulck  
des vbandts voordeel / zijn die Heere Admirael van En-  
ghelandt / ende den Heere van Warmondt / Admirael  
ouer den Hollandischen ende Zeelandischen Schepen /  
metten haren stoutlick daerop aengebaren / ende hebben  
malcanderen dapper gheslaghen.

Den Admirael vande Galepen voornoemt / naer dat  
het Schip S. Philippo leck gheschooten was / heeft sijn  
Cabel afghelouwen / ende meynde alsoo teghens den  
Wal aen te drijven / maer ons volck heeft het vier in sijn  
Schip gheschooten / sulck dattet al ghebleven is watter  
inne was / hy hadde twaelf hondert mannen op / ende  
men seyt dat het geschut geberghyt soude sijn / daer sijn  
mede drye Galepen verbrandt / met alles watter inne  
was / ende drye ontloopen / die resterende achtiën Ga-  
lepen metten Galionen / hebben die onse ghecreghen /  
ende die Slaven vry ghelaten.

Die vander Stadt hebben / gheduyrende den slacht /  
gheweldich onder onse Schepen gheschoten / maer het  
en heeft hun niet moghen helpen / Somma ons volck is  
Meester gheworden te water / dit alles is gheschiet op  
den xxvij. Junij / ghelijck vooren verhaelt is.

Den negenentwintichsten heeft ons volc die Brugge /  
streckende over vant Eplant Calis-Malis / tot opt vaste  
Landt van Andolousie inghenomen / ende daer op ghe-  
vonden



bonden wel vijfhondert Ridderſ ende Edelluyden te  
peerde / die ſy met ſeuenhondert Muſquet tiers omcin-  
ghelt/dootgheſlaghen/ ende die peerden meſt al ghecre-  
ghen/ die Brugghe hebben ſy ſtracx afghe worpen ende  
een Bolwerck daer voor ghemaect.

Den dertichſten hebbenſe bechtender handt ende met  
gheweldt inghenomen / die Stadt van Calis-Balis/  
daer veel Soldaten inne waren/ ende hebbent al omme-  
ghebracht datter in was/ ende ſijn alſoo mede te Lande  
meester gheworden: Sy hebben aldaer ghewonden op  
de Ree die gheheele Vloote van noua Hiſpaignia, int ghe-  
tal van omtrent vijftich gheweldighe groote Schepen/  
ſeer rijcklick gheladen weſende / ende in hebbende vier  
duſſent pijpen Olje ende ſes duſſent pijpen wijs/met  
veel andere coſtelicke waren en grooten rijckdom / daer-  
enboven noch twee Schepen/ die gheladen hadden hon-  
dert vijftich ſtucken gheſchuts / om te vooren naer Liſ-  
bona/ ende hebben ons volck alſoo bet als achthondert  
Metalen ſtucken gheſchuts ghekreghen.

Den eerſten Julij hebbenſe ingenomen die Stadt van  
Rota.

Den tweeden die Stadt van Puerto S. Maria ende  
deſelue verbrant/met allen den Schepen aldaer gebondē.

Den iij. Julij ſijn die onſe de Riviere opgebaren naer  
Serrez / ende wiſtemen vant vorder ſucces noch niet te  
ſprecken/ dan dat die van S. Lucar ende Ciuihen met  
menichte vluchten / ende alomme in Spagnien groote

A iij

ver-



verbaestheyt ende verschrikkinghe was. Naer compt tijdinghe dat die Stadt en Casteel van S. Lucar sich aenden onsen ouerghegeuen/ ende dient oock niet vergeten/ dat achten schepen vande Indianische vloote/ niet wistende wat te Calis-Malis ghepasseert was/ aldaer sonder achterdencken ghearriueert/ vanden onsen gecregen/ ende by den seluen een ouer groote schat becomen soude zijn. Daer sal ontwijffelick menich man met eeren deudefen handel gheruineert en bedozuen sijn/ doch het generael moet voor het particulier gaen/ ende den Heere almachtich sy voor sulcken heerlicken Victorie in eenwicheyt ghelooft ende gedanckt/ ende wille der onsen vordere aendlagen/ so in Spaignien als hier te lande/ sulcx zegenen/ dat den Spaenschen hooimoet daer deur gestortet werde/ ende alles ter eeren Godts/ voortplantinghe der waren Christlicken Religion/ Mitsgaders tot welbaren/ ruste en vrede der gantschen Christenheyt strecken moghe. Die welcke den Coninck van Spaignien/ en sijnen herwaerts-ouer ghelondenen Spaenschen Gouverneur/ die Cardinael van Oostenrijck/ mitsgaders derseluen adherenten/ den haren Tyrannischen en moordadighen voornemen/ alomme pooghen te stoozen/ en hun ouer allen Coninckrijcken ende landen Meester te maecten/ ghelijck die exempelen daer van overbloedich sijn/ sonder dat noodich is daer vā eenich particulier verhael te doen.

Hier mede mach den goetwilligen ende der ghemeynesaecke toeghedaaenen Leser/ sich voor eerst vermaecken/ hopende van dage te dage vā het vervolch der victorien/ vredeer tijdinge te vernemen. Dat ons de goedigen Godt genadichlick wil gunnen/ Amen.



**T**ot meerder confirma-  
tie vande voorsz Victorie/wert hier noch  
by geboocht Copie van seeckeren brief/ gheschreven  
tot Middelburgh/ Ende luyt als volcht.

Laus Deo semper adij 28. Iulij 1596.  
In Middelburgh.

**E**rsame goede vriend ende Compere / mijn  
laetste schrijven is geweest vanden 24. dito/  
waerby ick W. L. geadviseert hebbe vande  
comste van Cornelis Albrechtzoon/ende die  
tjdinghe die hy mede brachte / zedert heb-  
ben wy noch seecker tijdinghe/ soo over S<sup>r</sup>. Lucas als  
van S<sup>r</sup>. Tubes / dat onse Vloote mette Engelse inge-  
nomen hebben het Eplandt van Calis / ende oock die  
Stadt. Men seyt dat alle ofte den meestendeel vanden  
Adel van Serrez daer ghebleven is / boven dien hebben  
noch ghenomen 18. Galepen / sommighe seggen van 24.  
soo verbrant/ inde gront gheseyt/ als ghenomen. Noch  
vijf groote Galionen / van 8. tot 1200. vaten waer van  
die twee verbrandt / diemen seyt dat elck 1200. mannen  
op hadden/ ende 70. Metale stucken. Noch dzye schepen  
met gheschut ende Munitionie van oorloghe genomen/  
noch ses groote nieuwe Galionen / die eerst van Italien  
gecomen waren / ende hircenboven noch 35. Schepen  
van 500. tot 800. vaten groot / gheladen vol allerhande  
goederen/ om naer Indien te varen. Men seyt oock voorsz  
seker datter aen t'lant lagen over die vijf hondert meta-  
len stucken / om 12. nieuwe Galionen noch te stofferen/  
behal-



behalven alle het gheschut dat binnen Port Maria ghe-  
vonden is: datmen seyt mede een groote menichte te sijn.  
Somma dusdanigē seyt en is niet geschien by menschen  
memorie. Tot S. Lucas laghen achtien ofte cwinlich  
duysche Schepen/ en tot Lisbona acht ofte thien groote  
Galionen/ die men seyt vol volck gheset waren/ om Calis  
te gaen ontfetten / dan ick achte dattet te meerder beut  
voor de onse wesen sal. Dese tijdinghe comt met Joris  
Adriaensz. Cent Jolsen en andere/ die noch twee dagen  
naer t'innemen van Calis tot S. Lucas laghen / ende  
brengen eenen Trompetter mede/ die op S. Philippo  
ghedient heeft. Hiermede blijft Gode bevolen/ ende seer  
ghegroet. D. L. vrient ende Compere/ ende was onder-  
teyckent. Adriaen ten Hoff.



## Copia Copie.

**E**k hebbe ghesproocken eenen vuercommende met so Schep-  
 pen van S<sup>r</sup>. Lucas die ontloopen zijn: Ende heeft gesien  
 opten xxviii<sup>m</sup>. Junij de vloote van Engelandt comen  
 inde Baye van Calis-Malis / daer van de Spaignaets te  
 voozen gheschactschout waren / ende laghen aldaer met xliii. Ga-  
 leijen / iij. Galeonien ende een Schip ghenamt S<sup>r</sup>. Whillip / groot  
 viij<sup>e</sup>. last hebbende lxxx. metalen stucken op / ende iij. Wijnassen /  
 xlvj. hebbende xvi. metale stucken / ende laghen alint midden / ende  
 de Galeijen al een halve man. Ende is gecommen die Ad-  
 mirael van Engelandt metten Admirael Warmont / ende hebben  
 soo dapper opt Schip van S<sup>r</sup>. Whillip gheschooten datter den  
 brandt inne quam / soo dattet ghesoncken is met al datter inne  
 was / ende dander Schepen hebben vock ghenochten / maer gaen  
 hun strac vuer / daer zijn drie galeijen verbrandt met alle tgeene  
 datter inne was / ende drie ontloopen. xliij. Galeijen hebben on-  
 volck ghenomen ende de slaven vande Galeijen sijn ghelaten /  
 ende dander Galeonien hebben sijn vock ghenomen. hebben vock  
 op de reede vanden legghen lxx. gebeldige schepen geladen met coop-  
 manschappen op Indien. ghenomen vock tssch schepen die gheladen  
 hadden el. stucken gheschut / omme te waeren naer Lisboa / die  
 alken is gheschiet den xxviii<sup>m</sup>. Junij. Den xxix<sup>m</sup>. heeft on-  
 volck de brugghen van Calis-malis inghenomen / leggende op het vast-  
 land van Andulosie / daer op hebben sijn gheslaghen veel S<sup>r</sup>.  
 Edelluyden te paxde. Den xxx<sup>m</sup>. hebben sy ingenomen Calis-malis  
 wechtenderhandt / daer waren veel soldaten inne ende hebben al  
 omghebracht datter inne was. Den i<sup>m</sup>. Julij inghenomen de  
 Stadt Zotte. Den ii<sup>m</sup>. Julij de Stadt van Ponte S<sup>r</sup>. Marie  
 ende verbrandt met alle de schepen. Den iii<sup>m</sup>. Julij zijn sy de  
 Riviere op gheloghen nae Serre / ende daer en wseten sy niet  
 van te spreken / etc.



